



3. august 2006

Inatsisartut suleriesissaanni § 36, imm. 1 naapertorlugu, Naalackersuisunut imaattunik apeqquteqaateqarusuppunga:

Qaleralittassanik Sigguk A/S-imut agguaassineq pillugu apeqqutit
(Inatsisartunut ilaasortaq Jens B. Frederiksen, Demokraatit)

Ataani atsiortunga paasisimavara, Sigguk A/S-ip 50 procentia Upernavimmi Uummannamilu piginneqatigiinnit arlaliusinnaasunit pigineqartoq, 50 procentialu Polar Seafood A/S-p ataani allanit aqutanit arlaliusinnaasunit pigineqartoq. Nalunngilara Inatsisartunut ilaasortaq Johan Lund Olseni Naalackersuisunut taamaattumik apeqquteqareersimasoq, assigiinnik apeqquteqaateqartoqarsimassappat, Naalackersuisut Johan Lund Olsenip apeqqutaata akissutaanit aamma uannut nassiussisinnaapput.

Naalackersuisut inussiarnersumik nassuiaasseqquneqarput, qanoq pisassarititanik Sigguk A/S-imut agguaassineq ingerlasimanersoq, suullu kinaassusersiornertaqqanngitsutut piumasarineqarsimanersut, uku apeqqutit akinerisigut.

1. Polar Seafood A/S-ip Sigguk A/S-imik, taassuma pinngornerata kingorna, piginneqataanerani, kalaallit nunaanni aalisarnermi nutaamik inuttaqalersimaneraniq ersiummik Naalackersuisut takusaqarsinnaappat, avataani qaleralittassat pillugit apeqqutinni akissut malillugu?
2. Naalackersuisut uppernarsarsinnaavaat selskabet sinnerisa piginnittai, Sigguk A/S-ip pinngornerani piginneqataalersut, aalisarnermut inatsimmi § 6, imm. 4, normu 3-mi piumasaasunik naammassinnituunersut, selskabemi aningaasaatigisat affaasa sinneri inuussutissarsiutigalugu aalisartunik toqqaannartumik toqqaannartuunngitsumilluunniit pigineqartussaaneriniq piumasaqaatilik, tassanilu piumasaqaataapput imm. 3, nr. 1-3?
3. Tamanna uppernarsarneqarsinnaappat kissaatigineqarpoq aalisarnermut inatsisip aalajangersagartaata nalunaajarneqarnissaa, nassuiarneqarnissaa oqaatigineqarnissaa, qanoq Sigguk A/S-ip pinngornerani piginnittut immikkut tamarmik ataasiakkaarlutik, Polar Seafood A/S-i minillugu, aalisarnermut inatsisit piumasaqaataanik naammassinnissinnaasimanersut?
4. Aalisarnermut inatsisit saniatigut, nalunaarutini aalajangersakkat oqaatigisat, kinaassusersiunngitsuusut ilanngullugit, aningaasaqarnermut periaatsinik allaffissornermilu piumasarisat pisassarititanik tunisaasinnaanngitsunik agguaassinermit atatillugu Naalackersuisunit atorineqarnersut. Taamaattoqassappat Naalackersuisunut piumasarineqassaaq ingerlatseriaatsinik aalajangiinermilu tunngavigisanik nalunaarsuinissaq. Tamanna ajornanngippat skematut isikkulerlugu?



5. Qulaani allassimasut Naalakkersuisunit uppersarneqarsinnaappata, paaserusunneqarpoq, uani pisami Naalakkersuisut qanoq ilillutik, pisassiissutiminnik agguassinerminnut atatillugu, aningaasaqarnermut periaatsinik allaffissornerullu isikkuanik, naligisarsiuungitsunik aalajangiinermi tunngavinnik, saneqqussisinnaasimanersut?
6. KNR-ip nittartagaani sapaammi 25. juni 2006 Direktørp Henrik Leth-ip pisassineranut atatillugu malittarisassanik aalajangiinermilu tunngavissanik erseqqissunik ujartuinini pillugu allappoq. Naalakkersuisut pisaq pillugu Direktørimit Henrik Leth-imit isumaqataangillat?
7. Baffin Bugt-imi qaleralinnik pisassaqaarusullutik qinnuteqarsimasut sinnerisa paasitinneqarneranni, Naalakkersuisut pisassiissutissanik agguassinerminnut atatillugu aalajangiinermi tunngavinnit sorlernit, pingaartitaqarsimanersut –Naalakkersuisullu qinnuteqaatinut itigartitsinermi, inuiaqatigiinni suut qajassuutassatut pissutissaqaarsorisimavaat?
8. Pisassaritassanik agguassinineq ingerlanneqarmat tunuliaqutaasimava Aalisarnermi siunnersuisartut isumatigatigiinnerat. Naaggaarneruppat, taava nalunaarutigeqquneqarpoq, Aalisarnermi siunnersuisartut ilaasortai qassit akkerliusermanersut.
9. Pisassaritassanik agguassinineq uani eqqartorneqartoq ingerlanneqarsimava Aalisarnermut Piniarnermullu Naalakkersuisoqarfimmiit Naalakkersuisut oqallisissatut innersuussutitut saqqummiussaata tunngavigalugu? Naaggaartoqarpat, paaserusunneqarpoq, aningaasaqarniarnermut, inuiaqatigiinnermut tunngasutigut suliffissaqartitsiniarnermullu iluaqutaasinnaasussatut suut Naalakkersuisunit naliliiffigineqarsimanersut iluaqutaasussatut, pisami allaffissornikkut siunnersuisimaneq eqqarsaatigissanngikkaanni? Akissutissatut perusunngilara, Naalakkersuisut isummiussami saneqqussisinnaasimanerat allaffissornikkut siunnersuinerat tunngaveqartoq piviusunik politikkikkut naliliinermik. Kissaatigivarali akissummi oqaatigeqqullugu tullerijaaqqullugulu, pissutsit piviusorpallartut sorliit, piviusorsiorneq pillugu aqutsinermi inatsisitigut piumasarisat malillugit, Naalakkersuisunit pingaartineqarsimanersut, allaffissornikkut siunnersuinermit saneqqussineq pisumi pitsaanerussatut Naalakkersuisunit isigineqarsimappat.

18. august 2006 nallertinnagu ataani atsiortumut akissuteqaqquneqarpuu.

Inussiarnersunik inuulluaqqusillunga

Jens B. Frederiksen, Inatsisartunut ilaasortaq
Demokraatit/Demokraterne